

ТӨСӨЛ СОНГОН ШАЛГАРУУЛАХ УДИРДАМЖ

1. ЕРӨНХИЙ МЭДЭЭЛЭЛ

Санхүүжүүлэгч: Тэрбум Мод Сан

Төсөл хэрэгжиж эхлэх хугацаа: 2024 оны II улирал

Төсөл үргэлжлэх боломжит хугацаа: 36 сар

Төслийн санал авах хугацаа: 2024 оны 04-р сарын 01-ний өдөр 17:00 цаг

Сангийн 2024 оны Төсөл сонгон шалгаруулах хөтөлбөрийн хүрээнд дараах чиглэлийн төслүүдэд санхүүжилт олгоно:

Хөтөлбөрийн үндсэн чиглэл	Санхүүжилт ийн хэмжээ	Өргөдөл гаргах боломжит байгууллагууд	Хамтын санхүүжилт
1 Чиглэл 1. Төрийн өмчит цэцэрлэг болон ерөнхий боловсролын сургууль, эмнэлэг, асрамжийн газрын гадаа орчинд ногоон байгууламж бий болгох төсөл	Нэг төсөлд: 30 сая төгрөг хүртэл ¹	Улаанбаатар хотод үйл ажиллагаа явуулж буй төрийн өмчит цэцэрлэг, ерөнхий боловсролын сургууль, эмнэлэг, асрамжийн газрууд	Хамтын санхүүжилттэй бол давуу тал болно.
2 Чиглэл 2. Ойжуулалт, ойн нөхөн сэргээлт, мод тарих төсөл	Нэг төсөлд: 100 сая төгрөг хүртэл	Иргэний нийгмийн байгууллага, олон нийтийн байгууллага, ойн нөхөрлөл, сумын болон сум дундын ойн анги (ХХК нь дээрх байгууллагуудтай хамтарсан төслийн санал ирүүлж болно.)	Хамгийн багадаа 20%-ийн хамтын санхүүжилт байна

Төслийн сонгон шалгаруулалтын үр дүнг 2024 оны 05 сард нэгдсэн байдлаар төслийн материал ирүүлсэн байгууллагуудад хүргүүлэх ба үнэлгээ, нэгдсэн дүн болон бусад тайлбар мэдээлэл өгөх үүргийг сан хүлээхгүй. Тухайн жилд шалгараагүй өргөдөл гаргагч нь дараа жилийн хөтөлбөрт төслийн саналыг сайжруулан ирүүлэх боломжтой.

Нэг байгууллагаас нэг төслийн санал ирүүлж болно. Төслийг хоёр ба түүнээс дээш байгууллага хамтран боловсруулж, өргөдөл гаргах боломжтой.

Төслийн өргөдөл хүлээх авах: Төслийн материалыг project@billiontree.mn цахим шуудангаар Хавсралт маягтын дагуу 2024 оны 04-р сарын 01-ний өдрийн 17:00 цагаас өмнө ирүүлнэ.

Сангийн талаар дэлгэрэнгүй мэдээллийг www.billiontree.mn вебсайтаас харах боломжтой.

¹ Жич: санхүүжилтийг шууд олгохгүй бөгөөд гүйцэтгэлийг тендерээр шалгарсан мэргэжлийн байгууллагаар хийлгэнэ.

2. ТӨСӨЛД ТАВИГДАХ ЕРӨНХИЙ ШААРДЛАГА

Чиглэл 1.	Чиглэл 2.
✓ Төсөл нь дээрх хоёр чиглэлийн аль нэгтэй нийцсэн байх	
✓ Төсөл хэрэгжүүлэгч нь чиглэлийн зорилтот бүлэгт хамаарч байх	
✓ Төсөл хэрэгжүүлэх газар, талбайтай холбоотой ямар нэгэн зөрчилгүй байх. Төсөл хэрэгжүүлэх газар, талбайтай холбоотой зохих зөвшөөрөл болон бусад холбогдох арга хэмжээг авч, баталгаажуулсан байх, дахин төлөвлөлтөд ороогүй байх	
✓ Төслийг суурь судалгаан дээр үндэслэсэн байх	
✓ Төсөл хэрэгжих талбай нь ойжуулалт хийх, мод тарих нөхцөл, орчин бүрдсэн байх. Төслийг хэрэгжүүлэхэд шаардлагатай суурь судалгаа, шинжилгээг хийсэн байх	
-	✓ Төсөл хэрэгжүүлэгч нь мэргэжлийн эрхтэй байгууллага байх
✓ Төсөл хэрэгжүүлэх газрын цэгийг баталгаажуулсан байх	
-	✓ Төслийн зурган төлөвлөгөө хавсаргах
✓ Төсөл хэрэгжүүлэхэд шаардлагатай хүний нөөц, техник тоног төхөөрөмж, бусад нөөцийг бүрдүүлсэн байх	
-	✓ Өмнө нь ижил төстэй төсөл хэрэгжүүлсэн гурваас дээш жилийн бодит туршлагатай байх
✓ Төсөл хэрэгжих хугацаанд хэмжиж болохуйц бодит үр дүн гаргах боломжтой байх	
✓ Төсөл хэрэгжүүлэх явцад Сангийн хяналт тайлагнал, мэдээллийн шаардлагуудыг мөрдөж ажиллах, бусад төсөл хэрэгжүүлэгчид, олон нийтэд төслийн талаар туршлага, мэдлэгийг хуваалцахад нээлттэй байх	
✓ Төсөл хэрэгжих гэрээт хугацаа дууссанаас хойш цаашдын арчилгаа, үйл ажиллагааг тасралтгүй үргэлжлүүлэх боломж, нөөцтэй байх	
✓ Өргөдлийн маягт, хавсралтыг бүрэн гүйцэт бүрдүүлж, гарын үсэг, тамга, тэмдгээр баталгаажуулсан байх	
✓ Төслийг хэрэгжүүлэхэд хамтын санхүүжилт гаргах боломжтой бол давуу тал болно	
✓ Төслийн үр дүнд шинэ ажлын байр, эдийн засгийн үр өгөөж үүсэх бол давуу тал болно	
✓ Төсөл хэрэгжиж дууссанаас хойш нэг жилийн хугацаанд арчилгаа, үйл ажиллагааны тогтвортой байдлын талаар явцын мэдээлэл ирүүлсэн байх	

3. ТӨСЛИЙН САНХҮҮЖИЛТ

Сан дараах төрлийн үйл ажиллагаа, зардлыг санхүүжүүлэхгүй:

- Шинээр хашаа худалдаж авах (уулын ойжуулалтад унанги мод ашиглан хашаажуулах зардлыг зөвшөөрнө);
- Шинээр худаг гаргах;
- Төслийн үйл ажиллагаанд хамааралгүй захиргаа, үйл ажиллагааны зардал;
- Үндсэн ажилчдын цалин;
- Цахилгаан, дулаан, усны төлбөр, байрны түрээс, харилцаа холбооны зардал;
- Барилга, байгууламж барих зардал;
- Төслийн үндсэн үйл ажиллагаанд хамааралгүй тоног төхөөрөмж, эд хөрөнгө худалдан авалт;
- Олон улсын аяллын зардал;
- Нам улс төрийн зорилготой аливаа үйл ажиллагааны зардал;
- Шашны шинж чанартай үйл ажиллагааны зардал;

- ToC Холбооны санхүүжүүлэхийг хориглох үйл ажиллагааны жагсаалтад орсон үйл ажиллагаа (www.toc.mn).

Санхүүжилтийг шалгарсан гүйцэтгэгчтэй байгуулсан гэрээний дагуу гүйцэтгэлийн тайлан, санхүүгийн баримтад үндэслэн гэрээний хуваарийн дагуу олгоно.

4. ТӨСӨЛ СОНГОН ШАЛГАРУУЛАХ ТУХАЙ

Өргөдөл бүрийг шалгаж, доорх шалгуур үзүүлэлтийн дагуу үнэлгээ хийнэ. Шалгуур үзүүлэлтүүд нь өөр хоорондоо уялдаатай бөгөөд төслийн чанар, хэрэгжихүйц байдлыг үнэлэхэд шаардлагатай юм. Төслийн чиглэлээс хамааран зарим шалгуур үзүүлэлт үнэлгээнд хамаарахгүй байж болно.

- **Төслийн үндэслэл, зорилго, үр дүн, хамрах хүрээ:** Төслийн үндэслэл, зорилго, төслөөс гарах үр дүн, нөлөөлөл, шалгуур үзүүлэлтүүдийг нарийвчлан боловсруулж, оновчтой тодорхойлсон байх;
- **Төслийн байршил, аргачлал:** Төсөл хэрэгжүүлэх байршил, авч хэрэгжүүлэх арга хэмжээг холбогдох судалгаа, дүгнэлтийн дагуу оновчтой тодорхойлсон байх;
- **Төсөл хэрэгжүүлэхэд холбогдох стандарт, норм, дүрэм, журмыг дагаж мөрдөхөөр төлөвлөсөн байх.**
- **Төслийн бүтэц зохион байгуулалт:** Төслийн удирдлагыг үр дүнтэйгээр зохион байгуулахаар төлөвлөсөн буюу цаг хугацаа болон бусад нөөцийн хуваарилалтыг оновчтой төлөвлөсөн байх.
- **Төсөл хэрэгжүүлэгчийн туршлага:** Өмнө нь ижил төстэй төсөл хэрэгжүүлж байсан туршлага, сайн түүх, байгууллагын чадавхтай байх;
- **Хамтын ажиллагаа:** Төслийн хүрээнд зорилтот бүлгүүдтэй хэрхэн уялдаж ажиллах, тэдгээрийн оролцоог хангах талаар тодорхой мэдээллийг тусгасан байх, зорилтот бүлгийг төслийн чиглэл тус бүрээр тодорхойлсон байх шаардлагатай ба төсөл хэрэгжих байршилд хамаарах засаг, захиргааны нэгжтэй хамтарч ажиллахаар төлөвлөсөн бол давуу тал болно.
- **Төслийн тогтвортой, шинэлэг байдал:** Төслийг хэрэгжүүлэхдээ байгаль орчинд ээлтэй, олон улсын сайн туршлага, тогтвортой ойн менежмент, инновацид суурилсан болон бусад дэвшилтэт техник, технологийг ашиглахаар төлөвлөсөн бол давуу тал болно.
- **Хяналт, тайлагналын төлөвлөгөө:** Төслийн хэрэгжилтийн явцыг хянахад шаардлагатай шалгуур үзүүлэлтүүдийг бодитоор тодорхойлж, хяналт, тайлагналыг хэрхэн оновчтой хийх талаар тусгасан байх;
- **Төслийн арчилгаа, тогтвортой үргэлжлэх боломж:** Төсөл хэрэгжиж дууссаны дараагаар төсөл нь тогтвортой үргэлжлэн эерэг нөлөөлөл бий болж байх. Төслийн үр дүнд бий болсон ногоон байгууламж, ой мод, зэргийг цаашид тогтвортой арчлан хамгаалж ургуулах боломжтой байх;
- **Төсвийн үндэслэл, тооцоо:** Төслийн төсвийн тооцоолол нь бодит, зах зээлийн үнэд суурилсан байх ёстой ба үр ашигтай, хэмнэлттэй, үр дүнтэй байх зарчмыг баримтална. Өргөдлүүдийг үнэлэхдээ төсөв, нийт тарих модны тоо, нас, төрөл, талбайн хэмжээ, үр дүн зэргийг харгалзаж, харьцуулалт хийнэ. Төсөл хэрэгжүүлэгч нь төслийн нийт төсвийн 20%-ийг хамтын санхүүжилтээр гаргах боломжтой байх (Чиглэл 2-т хамаарна).

5. ӨРГӨДЛИЙГ СОНГОН ШАЛГАРУУЛАХ ҮЕ ШАТ

Сангийн үйл ажиллагаа, бусад хүчин зүйлсээс хамааран доорх төлөвлөгөөт хугацаанд өөрчлөлт гарах боломжтой.

Огноо	Үе шат	Тайлбар
2024 оны 3 сард	Төсөл сонгон шалгаруулалтыг нээлттэй зарлах	Төсөл сонгон шалгаруулах удирдамжийн зарыг Сангийн цахим хуудас болон хэвлэл мэдээллийн хэрэгслүүдээр түгээнэ.
2024 оны 3 сарын 11-ний өдөр	Цахим мэдээлэл өгөх	Тэрбум мод сангийн талаар болон төслийн санал ирүүлэхтэй холбоотой мэдээ, мэдээлэл, зөвлөгөө өгөх 1 удаагийн цахим уулзалтыг зохион байгуулна.
2024 оны 04 сарын 01-ний өдөр	Төслийн санал, өргөдөл хүлээн авах эцсийн хугацаа	Төслийн саналыг ирүүлэхдээ цахим маягт болон холбогдох хавсралтуудын дагуу бүрэн гүйцэт мэдээлэл ирүүлнэ. Хугацаа хэтэрсэн болон дутуу бэлтгэсэн төслийн саналыг хүлээн авахгүй.
2024 оны 4 сард	Ажлын албаны урьдчилсан үнэлгээ болон төслийн саналын техникийн үнэлгээ	Ажлын алба эхний шатанд төслийн материал шаардлагын дагуу, цаг хугацаандаа, бүрэн бүтэн ирсэн эсэхийг нягталж, шаардлага хангасан төслүүдийг Техникийн хорооны үнэлгээний шатанд шилжүүлнэ.
	Газар дээрх шалгалт болон ярилцлага	Техникийн хорооноос хамгийн өндөр үнэлгээ авсан төслийн хэрэгжих байршил дээр Техникийн хорооны төлөөлөл болон ажлын албанаас биечлэн танилцаж, төсөл хэрэгжүүлэгчтэй ярилцлага хийнэ.
2024 оны 5 сард	Санхүүжилт олгох төслүүдийг сонгох, батлах	Төслийн сүүлийн шатанд шалгарсан төслүүдийг Сангийн Удирдах зөвлөлийн хурлаар хэлэлцэн эцэслэж батална. Шаардлагатай тохиолдолд Удирдах зөвлөлөөс төслийг нэмэлт нөхцөлтэйгөөр баталж болно.
	Санхүүжилтийн гэрээ байгуулах, нөхцөл тохирох	Шалгарсан төслүүдэд мэдээлэл хүргүүлж, төсөл хэрэгжүүлэх, санхүүжилт олгох гэрээг байгуулна. Удирдах зөвлөлөөс төсөлтэй холбоотой нэмэлт нөхцөл, шаардлагыг баталсан тохиолдолд эдгээр нөхцөл дээр тохиролцож, гэрээнд тусгана.
2024 оны 6 сард	Шалгарсан төслүүдийг олон нийтэд зарлах	Шалгарсан төслүүдийн мэдээллийг олон нийтэд нээлттэй, ил тод зарлана.

6. ТӨСЛИЙН ХЭРЭГЖИЛТ, ХЯНАЛТ, ТАЙЛАН, МЭДЭЭЛЭЛ

Төслийн төлөвлөгөөний зурган мэдээлэл:

- Чиглэл 2-т хамаарах төслүүд өргөдөл илгээхдээ ажлын төлөвлөгөөний зурган мэдээллийг заавал ирүүлсэн байна.

Хяналт:

- Сангаас төслийн хөндлөнгийн хяналт шалгалтыг зурган төлөвлөгөө, үйл ажиллагааны төлөвлөгөөний дагуу улирал тутамд хийж, төслийн явц, модны ургалтыг хэмжинэ.
- Төслийн хүрээнд тарьсан модыг QR кодоор бүртгэж, Сангийн нэгдсэн мэдээллийн санд бүртгэнэ. Мөн улирал тутамд төслийн бүхий л үе шатанд зураг, видео баримтжуулалтыг хийнэ.
- Шаардлагатай тохиолдолд Geospatial Tracking хэрэгслүүдийг ашиглан төслийн явцыг хянана.

Тайлан:

- Төсөл хэрэгжүүлэгч нь төсөл хэрэгжих хугацаанд жилд хоёр удаа үйл ажиллагааны хэрэгжилтийг тусгайлан бэлтгэсэн маягтын дагуу тайлагнана.
- Төсөл хэрэгжүүлэгч нь төслийн санхүүгийн тайлан, баримтыг жилд хоёр удаа бэлтгэсэн маягтын дагуу илгээнэ.

Мэдээлэл, туршлага хуваалцах:

- Төсөлтэй холбоотой бүхий л гадагшаа чиглэсэн мэдээлэл, контент дээр Сангийн логог байршуулж, Сангийн маркетингийн гарын авлагын дагуу мэдээллийн ажлыг зохион байгуулна.
- Төсөл хэрэгжүүлэгч нь төслийн хэрэгжилтийн талаар мэдээ, мэдээллийг тайланд болон олон нийтэд таниулах зорилгоор хуваалцахад нээлттэй байна.
- Төсөл хэрэгжүүлэгч нь мэдээлэл солилцох цахим группт нэгдэн өөрсдийн туршлагыг хуваалцаж, Сангаас зохион байгуулах уулзалт, арга хэмжээнд идэвхтэй оролцоно.

7. ХОЛБОО БАРИХ ХАЯГ, ЛАВЛАХ УТАС

Хэрэв танд төсөл сонгон шалгаруулах үйл явцтай холбоотой асуулт, тодруулга, зөвлөгөө авах шаардлага гарвал доорх хаягаар холбогдоно уу.

“ТЭРБУМ МОД САН”

Хаяг: Улаанбаатар хот, Сүхбаатар дүүрэг
1-р хороо, Парк Плейс 904 тоот
Утас: 7775 – 2002
Цахим шуудан: project@billiontree.mn
Цахим хуудас: www.billiontree.mn